


Menge huhual ti hawalam

Tataiai Michael Umitel

Kakai Seimat
Seimat Language
The Ninigo Islands
Manus Province
Papua New Guinea



Papua New Guinea

Menge huhual ti hawalam © 2014 SIL PNG

Publisher's address: SIL, Ukarumpa, EHP 444, PNG

Licence: Permission is granted for the production of this book in PNG languages and may only be used within PNG. You must credit the original authors, illustrators and other contributors. You must not use this book for commercial purposes.

1st Edition, January 2022

No. of copies printed:

ISBN: 9980 0 3900 0



Illustrated by Raphael Namban

Compiled by Theresa Wilson


Printed by SIL PNG
Ukarumpa, EHP 444
Papua New Guinea

Muhin, aupolumili ah soli hawane.


I ahoma sai haiup ape amili aheti aliake
lih. Amili tai hasunga Sumusumun ma Patexux
nake amili wieni ti ape aupol soliwen, aile ape
amili lang sawi tamus hani Lau.




Ngain tehu amili Temis lang hani Lau. Ti amili hutui amili ku, aupol pate kokol. Ti amili ahutawa touhunai Awin, amili ilameni ka aupol to tae ahe tatalele tuahe amili ku tatale. Temis axuxi haliangumili.




Ti i axuxi kewa haliang, i hone nga ka
 tahua lehe amili wati teik lihemili. Ti amili wati
 kewa, nga tua sahalai teik lihemili nake aupol
 pala muhiwa.




Ti nga pax usiwa lato, nga ngahati ka lato
 tohea alia uleleama. Ti lato tahiamama, huok
 kiliwau exeini pape tea wa. Ape huok liai
 exeini tea xam. Exeinian tehue ape lato
 hatesol taxix kaluta tamus.




Tataen ti amili kolia haniwa sai liai tepaun, kilan wanen ti tehu hawalam ien hun usima amili sai muhiwa. Tataen ti lato hun xohima, kilan laha talaha alia ape hinaloe lato hun tamus hani mateiwaumili.



Temis akekeni kapitumili ti amili to tasis hahakokolewa. Pala amili tasis xauen teik ti Awin ape aupolumili tapo hawane. Tataen ti aupolumili tapo hawanewa, nga akeni hutui papau lehe amili tua ak hani Sumusumun.



Amili to akeak ti leili kekei alon. Temis saka i mapu lialu hawane ape i namilo ka i tu hokahimu teik tehiton. Ti i tu xeisale, i paxai tunahi tehu hawalam, liai i alinginiwen amili. I xeisa alia hanima sai kapik ape i kola hani nga. Amili ak tatalewa kalak hawalam alinginiwen amili.



Tataen ti amili xohiwa, tehu hawalam kelaia uke he hupaun ape amili ak nonoa wasolalato.